

الرشاد

س ۶ ۱ ۰ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفتعلق بمجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

جلد ۱ - ۸

۱۶ ربيع الاخر ۱۳۳۰ پنجشنبه ۲۲ مارت ۱۳۲۸

عدد ۵ - ۱۸۷

(رستق ، سومیل ، سوچار ، سور ، ابوطوبی ، دباي ، شرقه) وسائر مهم شهرلرده دخی تدایر لازمه اتحاد اولنیور . خرسیتان قادینلرینک عربستان میسیونرلکنده پک چوق ایشه یارادیغنی تجربه ایدیورز . بوفداکار و مشفق مخلوقلر شایان حیرت صورته برمتانته زواللی یرلیره یاردیم ایتکده وارککارک مساعدیسی تسهیل ایلهمکده در... »

ما بعدی وار
کوز تپه

علی رضا

سیاستی

انکلتزه و بز

انکلتزه محافل سیاسی و افکار عمومی سنده بر مدتنبری بزه طوغرو بر جریان حصوله کلکده ایدی : شو جریانک کرید مسئله سی مناسبتی ایله شکل و ماهیتی بر درجه یه قدر تعین ایدی ؛ انکلتزه حکومتی بومسئله ده عثمانلی منافع ذاتیه سنه ، کوزه چاره یه قدر مساعد بر مسلک تعقیبی التزام ایتشد .

فی الحقیقه ای دوشونولورسه انکلتزه یی عثمانلیقدن آیراجق ، آرالرینه صوغوقلق ایقاع ایده جک و تألیفی غیر قابل اوله بیله جک اختلاف منافع مفقوددر . ذاتاً شوا یکی مملکت صوک زمانه قدر پک کوزل آکلاشیورلردی ؛ آرالرنده منافع ذاتیه نقطه نظرندن اختلاف موجود ایه ده یک دیگرینه قارشی حسن امنیت و صمیمیتله متحسس اولدقلرندن شو اختلافی موفقیته بر طرف ایدیورلردی : شویله که شو صوک اوتوز بش سنه یه وارنجه یه قدر دولت عثمانیه ایله انکلتزه حکومتی آراسنده کی علاقه تاریخیه مودت و اتفاقه مستند بر سلسله عنعناتدن عبارتدر .

فقط عبدالحمید زماننده حکومت مشارالیه ایلله عثمانلی دولتی آراسنه بر صوغوقلق القا ایدیلدی . عبدالحمیدک خلعه قدر بیله شو صوغوقلق تعمیر ایدیلهمدی . شو وقعه تاریخیه نک مسئولیتی کیمه عائد اولدیغی مسئله سنی شمعی آراشیدیرمیه جغز . یالکز شوراسنی سویلیله که بو مسئله حقنده عبدالحمید مؤاخذه ایدیله بیلیرسه ده انکلتزه رجال دولتنک ، بالخاصه غلادستونک ، پان اسلاویزم جریانه قایلهرق مملکتتمز حقنده آلمش اولدقلری وضعیته ده بر حصه مسئولیت اصابت ایدیور .

اعلان مشروطیتدن صوکره انکلتزه ایله اسکی عنعنات و اعتیادات قدیمه مزک اعاده ایدیله جکی بر مدت امید ایدیلدی : یکی عثمانلی حکومتی انکلتزه حقنده یاپیلمسی ممکن اولان بتون جیه و آثار مودتک ابرازنده قصور ایتدی . انکلتزه افکار عمومی سده بزی عین شدتله آلفیشلادی . فقط مع التأسف آرایه صوغوقلمش اولان صوغوقلق بونکله ده تعمیر ایدیلهمدی .

انکلتزه رجال حکومتده حقمزده تمرکز ایتش اولان عدم اعتماد

و اعتبار دوام ایدیوردی . یکی عثمانلیلک بتون تأمیناتی ، بتون خلوص نیی بوعدم اعتبار و اعتمادک رفعه موفق اولامدی .

انکلیزلر بزی اسکیزی کی اتحاد اسلام حرکتک مبدأ و منبى عد ایدره بزه قارشی وضعیت اغبرارانه لرنده دوام ایتدیلر . ظن ایتدیلر که یکی تورکیا بر طرفدن عسکر و دو نمانسی تنظیم و ترتیب ایدره دیگر طرفندن ده اقوام و ملل اسلامیه میاننده حرکات جدیدیه تشویق و ترغیب ایتکله شرقده مستملکات عظیمه یه ، میلیونلرجه اسلام تبعه سنه مالک اولان حکومت و از جمله انکلتزه حکومتنه قارشی عظیم مشکلات و تهلیلکله کله ایقاعنه سبب اولاجقدر .

شوظنات صرف انکلتزه رجال دولتنک مخیله و اوهمانده تولد ایتشدر . فی الواقع بر چوق مسائل داخلیه ایله یالکز کندی حیات و موجودیتی تأمین ، یکی وضع ایدلمش اولان اصول ادا درنک تقویه سی ایله مشغول بولنان یکی عثمانلی حکومتک بوکی جهانگیرک ، بتون اقوام اسلامیه یی سیاست برلشدیره رک بیوک بر دولت تأسیسی کی اوهم ایله اوغراشامیه جنی بدیدیر . فقط انکلیزلر بو یولده یکی تورکیا طرفندن سرد ایدیلن بتون تأمین ته بر درلو اینانه مادیلر ، انکلیزلر بزدن اولیه تأمینات طلب ایتدیلر که حکومتمز طرفندن قطعاً قبول ایدلمه سی امکانی یوقدی : بزه اوردو و دو نمانا ترتیب و تنظیمندن و از کچلمه سی تکلیف ایدیلیوردی . بویله بر تکلیفی قبول ایتک یکی تورکیا ایچون انخار ایتک و یاخود کنیدیسی باشقه بر حکومتک تحت حمایت و صیانتیه نسلم ایتک دیمکدی . حالبوکه عثمانلیلر انقلابی ، اختلالی ، بوقدر فدا کارلنی بونک ایچون یامامشدی . بناء علیه بوکی مالایطاق تکالیفک ولو انکلتزه نک و یاخود دیگر بر دولتنک اغبراری بهاسنه اولسون قبولنده حکومت معذوردی .

ایشته بوندن طولای انکلتزه ایلله عثمانلیلر آراسنه صوغوقلمش بولنان اغبرار بر زمان دوام ایتدی . فقط شو اغبرارک بر کون کلوبده زائل اولاجغه تا اولدن امین ایدک . زیرا انسانلری اک زیاده یاقلاشیدیران ، اک کوزل اکلاشیدیران توافق منافعدر . انکلتزه بر چوق مسائل مهمه ، بر چوق منافع حیاتیه سی ایله بزه باغلیدر . بزه انکلتزه یه قارشی عین وضعیته یز . انکلتزه رجال دولتی بر زمانلر یا کلش بر فکزه ذاهب اولدیلر . یکی تورکیا ایله اسکی تورکیا آره سنده کی فرق عظیمی کسیدیرمدیلر . ظن ایتدیلر که اغبرار ، صوغوقلق ، عدم اعتنا و حتی تضییقه تله بزه بویون اکدیره جکلردر . فقط بونی یایه میه جغه قساعت کامله حاصل ایتدکلری کون بزه قارشی آلمش اولدقلری وضعیتمز و از کچمکه مجبور اولدیلر . آرتق بزه یوقاریدن آشاغی یه طوغرو باقق ، بزی اداره سی آلتنه آلمق فکری بسلمه مک دکل ، بزمه هم عیار وهم سویه اولارق معامله ایتک لزومی حسن ایتدی . شو لزومی انکلیزلره القا ایتدیرن ، اک زیاده طرفزدن ابراز ایدلمش اولان ثبات و متانت اولدی . انکلیزلر بزمه باشقه صورت و شکلده آکلاشه میه جقلرینی طویدقلری کون مسلک سیاستلرینی دیکشیدیردیلر .

مکتبائیت

فاضل محترم م. شمس الدین بک افسیدن آلدیغمز خصوصی مکتوبدرکه بک مصیب مطالعهلری احتوا ایتدیکی ایچون درجی مناسب کوردک :

سبیل الرشاد هریده اسمیه

افندم :

۱۲ مارت ۲۲۸ ، مدالی

وطنمزرده فجر حریتک انفلاقی متعاقب مشیت الهی ده هدایتلری مقرر اولان ارباب ایمانی غایه سعاده ایصال ایده بیلیمک آرزوی صمیمی ایله تأسیسه موفق اولدیغکز صراط مستقیم وظیفه تنویریه سنی بحق ایضا ایده بیلیمش وارباب توحیدی مؤسسسلرینه قارشی ابدیاً منتدار برافشدی . امر الهی به اتباعله صراط مستقیم تعقیب ایدنلره سبیل الرشاد اهدا اولنه جغنده شبهه یوقدی . صوک تشبکیز بوحقیقی تجلی ایتدیردی . صمیم قلبیدن سزی تقدیر وتبریک ایدر وموفقیتکزی الطاف سبحانیه دن تمنی ایلرم . برنجی نسخه ده درج ایدلمش اولان پروغرامی دقتله اوقودم . سبیل الرشادک کوره جکی وکورمسی ایجاب ایده جکی وظائف عالییه دائر آری آری قسملر آچیلیمسی ، ستونلر تخصیص ایدلمسی تکامله طوغری آتش اساسلی خطوه لر در . پروغرام احتیاج حاضره الیریشلی در . بالطبع لزومه کوره تدریجاً توسیع ایدیله بیلیر . عالم اسلامک قطعی واساسلی بر انتباه فکری به محتاج اولدیغنده شبهه ایدیله مز . اوتده بریده کوریلن نهضه فکریه به لازم کلن فعالیت واستقامت معینه یی ویرمک جزاؤد اسلامیه به عاؤد بروظیفه در . مرکز خلافتده انتشار ایدن سبیل الرشاد ، بوکبی جریده لره بدرقه هدا اولمیلیر . ایشته اوزمان (اتبعون اهدکم سبیل الرشاد) فرمان جلیلی بوتون معناسیله تجلی ایدر .

فرقان مینک علوم وقنونک حال حاضرینه نظراً بر تفسیره محتاج اولدیغنی اعتراف ایتیه جک بر متفکر یوقدر ظن ایدرم . احادیث صحیحه نك افکار انامده طویلانان شهبائی تمامیه ازاله ایدمک صورتده تشریحنه ده احتیاج قطعی واردر . سبیل الرشادک بو ایکی مهم وظیفه یی بحق ایضا ایده جکی شبهه سزدر . فکرجه سبیل الرشاد نشر یاتنده ایکی غایه تعقیب ایتیلیر : بریسی ملتک متفنن کچنان کنجلرنده دینه قارشی اویانان لاقیدی وشهبائی اساسدن ازاله ایدمک یرینه متن ورسوخلی بر عقیده اقامه ایتک وديکریده کتله مسلمین ایله قون وفلسفه دن بی خبر هیئت علمیه نك تنویر افکارینه چالشمق ، سویه اجتماعیلرینی یوکسلیتمک ، اخلاق فاضله ایله اتصافلرینی تأمین ایتک ، جهل ایله توأم اولان متعصبی کوکندن سوکوب آتهرق یرینه جرثومه عرفان وفضیلتی زرع ایلک نشر ایدیلن پروغرام عرض ایدیلن شو غایه ایچون چالیشیله جغنی کوستریور .

بوکون انکیزلر یکی دن اسکی غنغات تاریخیلرینه عودت ایتک آنارینی کوستریورلر . کرید مسئله سی حقنده المش اولدقلری وضعیت تمامیه بونی آکدیریور . حکومت معظمه حامیه نك تسامح وتغافل کرید مجنونلرینی صوک درجه شمارتمشدی : بونلر عثمانلو - ایتالیان محاربه سندن استفاده ایتک خولایرینه قایلیدیلر . یونانستانه جزیره نك الحاقی بر امر واقع شکلنه صوقق نیتی ایله کرید حکومت اختلالیه سی تبلیغات و اوامر رسمیه یی ، مجلس ملینک اجتماعلرینی یونانستان قرالی نامنه یایمق کبی حرکات مجنونانه ده بولندیلر . بونلره ضمیمه اوله رق برده یونانستان مجلس مبعوثانسه کرید طرفندن مبعوثلر کوندرمک ایسته دیلر . حکومت عثمانیه بالطبع بونلرک کافه سنی حکومت حامیه نرندده پروتستو ایتدی وکرید لیلرک شو کبی حرکاتندن نشئت ایتیه سی محتمل اولان تهلکه لره نظردقلرینی جلب ایتدی . فی الحقیقه عثمانلی حکومتی یونانستان حکومتک بوکبی حرکات مجنونانه یه عماشات ایتیه سنه صبر وتأمیل ایده مزدی . وکرید مبعوثلرینک آتیه یه وصولی ایله برابر عثمانلی اردوسنک ده حدود یونانیه یی کچه جکی بدیهی ایدی . حکومت حامیه میاننده انکلتزه عثمانلی حکومتی طرفندن سرد ایدیلن شو ملاحظاتک بحق اولدیغنی جمله دن اول تصدیق ایتدی . مشارالیه ک تکلیفی اوزرینه حکومت سائرده متحداً کرید حکومت اختلالیه سنه یایمقده اولدیغنی افعال نالایقه یه تحمل ایده میسه جکلرینی ، عثمانلی حاکمیتک خللدار ایدیه جکنه میدان ویرمه جکلرینی وشاید بوکبی افعال وحرکاتده دوام ایده رسه جزیره یه عسکر چیقاره رق یکیدن اشغال ایده جکلرینی بیان ایتدیلر !

طرابلس غرب مسئله سنه ککنجه ینه انکلتزه نك بزه قارشی مساعد بر وضعیت المق اوزره اولدیغنی حس ایدیلور . انکلتزه ده افکار عمومیه نك ایتالیا علمنه چویرلدیکی ، روسیه تحشیداتنک لوندرده بک شدتلی اعتراضلره وخوشنودسزلقلره معروض قالمش اولدیغنی ، انکلتزه حکومتی ایله عثمانلی حکومتی آراسنده بغداد تیموریولی ، کویت ودیگر مسائل حقنده یکیدن مذاکره شروع ایدلمه سی ایکی حکومت میاننده تقرب حصوله ککش اولدیغنی آکلاتدیریور . انکلتزه خارجیه ناظرینک صوک نطقنده کی ایمالری ده بونی اراؤ ایدیور . خلاصه انکلتزه حکومتی سوء ظنلردن مجرد ایدمک یکی تورکیانک هیچ بر آمال خصوصیه وجنکجووانه بسله مدیکنه امنیت حاصل ایتدیکندن بوکون مسالک سیاسی سنی بزم حقمزده تبدیل ایتکده در .

بالطبع بوندن خوشلانیه جق ، اظهار ممنونیت ایتیه جک بر عثمانلی بولنه ماز . یوزیکرمی میلیون تبعه اسلامیه یی حاوی انکلتزه ، اسلامیتی کنیدیسی ایله بزم آرامزده بر حائل ، بر پرده ، برسبب کین وعداوت دییه تلقی دکل ، بالعکس بر واسطه تقرب ، بر عامل تألیف دییه قبول ایتیلیر . ایشته اوزمان ایکی حکومت آراسنده حقیقی وصمیمی بر آکلاشمه قابل اولور . بوایه هرایکی دولتک منافعه عین درجه ده لازمدر .

احمد آغایف

اجتماعیات و اخلاقیاته عاؤد ستونلر ملت اسلامیه نك حیات